



幔亭集卷之十三

長永郡
振興書
諸子名

閩中徐燧惟和著

友人陳薦夫幼穉選

王若相如編

陳言
軒藏書

七言絕句

登揚州城樓

淮水微茫遠接天
隋宮秋草自芊芊
當時歌舞人何在
落日空山聞斷蟬

錢唐別友

日落津亭一別君數聲猿叫不堪聞明朝回首
錢唐路惟有秋山隔暮雲

江上送客

片帆遙向洞庭遊湖水茫茫一色秋別後思君
腸欲斷不堪重倚夕陽樓

蘇小小墓

疎林落葉亂孤村芳草萋萋滿墓門惆悵美人
今不見寒鷗栖盡又黃昏

春日懷舊

落花宋寂柳依依日暮空山獨掩扉雙燕不知
人去遠年年猶繞畫梁飛

彭城懷古

雲龍山下鳥爭啼戲馬臺前日欲西莫謂楚宮
今宋寔五陵芳草正萋萋

聽角思歸

白草黃榆不見春十年遼海困征塵夜來正有
還鄉夢殘角一聲愁殺人

野店逢故人

野店鶯啼柳自垂，故人相見不勝悲。明朝又作
沅湘別，江海悠悠無盡時。

淮陰夜泊

淮陰城下暫停舟，明月無情水自流。漢代王孫
今不見，惟餘春草滿汀洲。

客中贈別

吳姬把酒唱離歌，一片愁心奈別何。莫恠相看
頭下淚，江南春色已無多。

武林與子卿宿別

渺渺踈鐘月下聞，天涯相見復離群。秋風一夜
孤帆遠，遙隔吳山幾片雲。

卅陽遇陳十八

卅陽渡口遇同鄉，欲語匆匆怨夕陽。君返江南
我江北，雲山千疊斷人腸。

送人遊秣陵

送君西去秣陵游，萬里寒江日夜流。酒散離亭
人已遠，亂山殘雪一孤舟。

感舊

一別心知萬里遙○孤燈空對可憐宵○因思十五
年前事○月色簫聲共寂寥○

東原別歌者周郎

縹緲尊前一曲歌○相逢其奈別離何○數聲殘角
霜天曉○馬首無情幽怨多○

過黃逸人幽居

行到山中日已昏○一聲寒犬出孤村○青苔滿地
無人跡○風落殘花閉洞門○

靈巖菴懷珠上人

踏遍烟霞萬壑深○洞門空鎖薜蘿陰○一從瓢笠
過南海○十載遊蹤無處尋○

曾同老衲共安禪○回首春風已十年○此日重經
香火地○佛燈無燄龜無烟○

客中送人之粵西

客路相逢各斷腸○明朝身在瘴雲鄉○荒原野店
無人住○古木蕭蕭空夕陽○

軍城早秋

落日荒城起暮笳○蕭條秋色滿黃沙○一聲胡鴈

西風裏十萬征人盡憶家

金陵懷古

一自東南玉氣消秣陵秋色冷蕭蕭如今宮殿
生禾黍無復繁華似六朝

訪羽人不遇

千峰萬壑羽人家鐘磬無聲日已斜閉却洞門
春寂寂晚風吹落紫藤花

湖上晚望

半天殘月漏初稀渺渺澄波浸翠微一道
何處起隔溪游女採蓮歸

秋夜聞笛

殘月微微玉漏深一聲長笛起秋陰天涯多少
懷歸客獨對西風思不禁

東庄晚眺

舊遊風景易蹉跎古路松陰翳薜蘿樵唱盡歸
門巷寂蕭蕭殘柳夕陽多

贈少年

天涯相見正新秋滿目西風共倚樓月下按箏

歌一曲聲聲都作小涼州

宮怨

金鎖重封院宇深
鑾輿消息總沉沉
君王何處看歌舞
負却長門夜夜心
遙聞玉輦過昭陽
歌吹聲中欲斷腸
一閉深宮經十載
憂魂無自識
君玉

冬日到山家

十里青山古木平
半溪殘雪
陽明小橋流水
門深閉但聽雲中雞
大聲

送人貶崖州

瘴雨蠻烟道路長
憐君何事此投荒
他時縱有相思憂
萬里風波正渺茫

酒家贈別

十載分携無定蹤
誰知此日酒家逢
五更酒醒東西去
又隔雲山千萬重

交河道中

蕭條殘柳不勝秋
滿目山川對戍樓
今日獨經征戰地
黃沙漠漠使人愁

漢宮春曉詞

長信宮中玉漏微。綠楊枝上乳鷓飛。忽聽銀鑰
開金鎖。殘月樓頭照舞衣。
枕上頻聞女伴催。任教初日上妝臺。玉肌應共
東風軟。正夢昭陽侍寢來。
宿霧霏微。御柳青。水晶簾捲見殘星。傳言禁漏
聲。休促昨夜君。玉酒未醒。
鶯聲睨睨出花枝。腸斷流蘓。夢覺時。一派管弦
何處起。遙知別院拜昭儀。

送老僧

行盡天涯與海涯。閒雲孤鶴伴袈裟。歸看手種
門前樹。開遍春風幾度花。

二月晦日送人之安南

杜宇聲中夕照斜。長途征馬踏殘花。春光今日
歸何處。莫是隨君到海涯。

驅車萬里向蠻天。人去春歸總可憐。同是別離
君更速。君行猶在曉鐘前。

寒食郊行傷少文

春風羸馬出郊坳，忽憶心知涕淚零。最是無情
墳上草，年年寒食自青青。

送人出塞

黃塵漠漠暗征衣，楊柳青青折漸稀。試問玉門
關外路，幾人西去幾人歸。

七夕聞砧

天上雙星正度河，人間砧杵晚來多。閨房若待
秋風冷，絕塞寒威可奈何。

長門怨

芳草何時輦路通，長門花鳥自春風。總緣薄命
難承寵，不是相如賦未工。

金谷園

聞說佳人此墜樓，青山長在水長流。明珠已與
珊瑚碎，尚有香魂夜出遊。

青塚

絕代嬌姿遠嫁胡，千年孤塚長蘼蕪。春風似亦
憐芳質，不遣窮陰草色枯。

楊白花

楊花如雪葉如絲無柰東風一夜吹飄洛不知
何處所年年腸斷暮春時

宮人斜

春雨春風粉黛銷誰憐黃土塋妖嬌墓門幸與
諸陵近夜夜香魂不寂寥

紅葉怨

紅葉詩成暗自愁御溝泉咽不堪流願將一掬
相思淚添得潺湲出御溝

薛濤墳

玉壘山高錦水流黃泉何處覓青樓墳頭種得
桃千樹花落花開怨未休

溫泉宮

羯鼓聲中酒未醒華清浴罷轉娉婷可憐萬古
溫泉水難洗胡兒戰血腥

馬嵬驛

蛾眉宛轉倍堪憐未別君恩赴九泉千載馬嵬
山下路傷心最是佛堂前

宮詞

忽聽昭陽歌吹聲
倚欄無語不勝情
青青長信宮前草
盡是變興去後生

古意

郎自傷心妾斷腸
夢中逢妾妾逢郎
一聲砧杵一聲恨
別意長如秋夜長

郵亭殘花

征途微雨動春寒
片片飛花馬上殘
試問亭前來往客
幾人花在故園看

聽舊宮人歌

一從紅葉御溝流
別却深宮幾度秋
莫向尊前歌舊曲
哀聲容易使人愁

擬九日客中登高

獨對青山酒一尊
他鄉秋色易消魂
可憐舉目關河異
惟有黃花似故園

客中歲月易蹉跎
此日登臨共醉歌
莫以天涯生感慨
他鄉時少故鄉多

黃花空向客邊開
愁聽尊前白鴈哀
縱使登高也無益
青山不是望鄉臺

蒲徑寒花綠酒前。客中秋緒轉淒然。也知故國山長在。只恨登高是隔年。

訪陳平夫箬坡別業

澗水滌湘綠。樹稠白雲長。鎖洞門幽。此中自與塵凡隔。一任桃花引釣舟。

長安感懷

一領征衣半淚痕。思家何日不消魂。桃花落盡鶯聲老。猶自漂零客蓟門。

過陳薦夫幽居

柴門寂寂晝常關。猿鳥聲中鶴夢閒。欲識武陵溪上路。桃花無數水潺湲。

秋怨

梧桐葉落正新秋。如水君恩別處流。獨倚朱欄過夜半。一聲歌管六宮愁。

送人從軍

秋風一夜別家山。萬里從戎幾日還。此去正當離亂後。斷腸多在穆陵關。

酒店逢李大

偶向新豐市裏過故人尊酒共悲歌十年別淚
知多少不道相逢淚更多

隴西行

一別家山萬里長多年白骨委沙場游魂已逐
胡塵散空有高臺築望鄉
仗劍封侯事已非閨中少婦壑征衣玉門關內
多胡馬縱有游魂不敢歸

楚宮怨

黃土埋香翠黛銷楚妃魂逐楚雲飄愁多自殞
如花貌豈爲君王愛細腰

吳宮怨

高臺日日翠華歸何事顰眉更捧心本是苧蘿
山下女吳中恩淺越中深

秦宮怨

宮中無復望車塵已分阿房老此身縱使君王
得相見也應不愛白頭人

漢宮怨

寵幸當年不省憂六宮那許近宸旒一從廢入

長門裏始解宮中失寵愁

魏宮怨

一夜東風殺氣銷起凭妝閣思無聊銅臺自有如花貌何必江東大小喬

晉宮怨

恩寵由來有淺深至尊行幸豈無心娥眉不解君心巧空聽羊車竹外音

齊宮怨

遙見潘妃綽約來六宮紅粉一時迴隔花怨

梁宮怨

深宮長日閉蒼苔恩寵于今念已灰莫望他生更相見君王行滿不輪迴

隋宮怨

江南江北翠旂遙夜夜深宮鎖寂寥何處龍舟試歌舞秦淮明月廣陵潮

唐宮怨

一曲霓裳舞未休月光如水上簾鉤夢迴忽聽

笙歌沸猶是華清夜打毬

下邳阻風

邊風颯颯捲黃沙白浪連天湧作花野店無人
門盡閉夕陽衰柳帶寒鴉

彭城元夕懷故園諸友

故國春宵正可憐九衢燈火吐春煙舊遊已共
晨星散月色遙知似去年

馬上姬

紅粉青娥白苧衣一鞭柳外踏青歸中襟
桃花馬九陌香塵撲面飛

窈窕佳人跨繡鞍香風吹動綠雲鬟最憐二月
長堤柳一路青青送上顏

別劉少已馮希呂

都門慷慨別同驩劍氣中宵馬上看一自荆卿
歌變徵蕭蕭易水至今寒

鄭城感舊

匹馬還家春正深路傍楊柳盡成陰當鑪少女
今何處門鎖寒烟不可尋

進香詞

貌似桃花鬢似雲銷金抹額石榴裊一派管絃
齊上馬手持香辦禮元君

月夜

鶯花三月出燕關千里家鄉幾日還今夜月明
天似水夢魂先到武夷山

懷平夫

雪花飛盡柳花飛目斷南天鴈影稀月落屋梁
人不見空餘清夢遶漁磯

劍浦懷宗思兼先生

劍氣冲霄水亂流故人曾共木蘭舟年來老病
如宗炳畫裏青山卧裏遊

過陳山人隱居

菲齋斜暎武陵溪萬樹桃花兩岸齊閒倚杖藜
看乳燕薜蘿衣上落香泥

竹枝詞

美人門對錢唐江水透蘇堤月透窓莫怨裴航
僊夢晚種來玉杵未成雙

妾住西湖舊狹邪○孤山深處是郎家○郎若重來
須細認湖邊新種碧桃花

楊柳堤邊去採蓮○柳枝低拂采蓮船○分付兒童
休浪折○留待郎來作馬鞭

忽聽樓頭鼓亂敲○鏡湖月色上花梢○郎今去住
無消息○暗擲金錢卜一爻

送鄭翰卿遊燕

慷慨辭家事北遊○黃沙萬里使人愁○市中擊筑
悲歌日○爲覓荆卿舊酒樓

大夢山前片月孤○送君走馬入燕都○黃金臺上
生秋草○猶有當年駿骨無

六溪夜泛

暮潮初漲月痕低○一葉蘭舟過六溪○唱罷滄浪
天漸曉○青山無數鷓鴣啼

烏石山訪虛公

飛錫何年住此山○長松脩竹掩禪關○斜陽影裏
莫鐘發○三十六峰烟靄間

春日郊行

春風初動莫雲平
十里芳郊信馬行
山色蒼蒼溪水綠
杏花村裏鷓鴣聲

西湖八景

僊橋柳色

迎僊橋畔萬條絲
淡蕩春風二月時
知是踏青歸去晚
幾多游女唱楊枝

大夢松聲

澄湖滌滌繞越王城
十里湖光似鏡平
恠得寒瀟何處起
前山無數亂松聲

古堞斜陽

百尺高樓接女墻
猶傳閩越舊封疆
可憐霸業歸何處
惟有寒鴉帶夕陽

水晶初月

孤山深處水晶宮
畫舸歸來信晚風
款乃歌殘天似水
一痕新月上湖東

荷亭晚唱

虛亭遙跨水中央
五里荷花十里香
度曲女郎齊拍手
一聲鶯散兩鴛鴦

西禪曉鐘

湖上邀賓卜夜驩勝遊休問夜漫漫天鷄叫罷
晨星落猶聽鐘聲出寺殘

湖心春雨

滉漾平湖影碧空千重樹色盡朦朧春光何處
尤堪賞多是梨花暮雨中

澄瀾曙鶯

子與風流天下聞初來高閣欲凌雲曉鶯不道
平華變猶自聲聲喚使君

青樓俠氣贈李姬

阿嬌俠氣滿紅樓不肯輕身事貴游昨日五陵
公子過青衣傳語未梳頭

文章元不屬蛾眉紅粉誰知唱麗詞袖裏雲箋
裁五色客來題出斷腸詩

玉貌元同蘇小娟清謳一闕最堪憐歌聲未斷
尊中罄猶卸金釵當酒錢

綠雲慵理黛痕銷時把金簪竹上敲但得黃金
能買賦何須珠翠鬪妖嬈

寄題朗公寶函樓

一瓢一鉢一經函。幡影燈光對佛龕。百尺樓中皆淨土。蓮花千葉坐瞿曇。

重過面壁洞訪熙工

躡屐重過積翠臺。當時屐齒半蒼苔。桑麻雞犬還如舊。洞口桃花幾度開。

宮詞

翡翠衾寒曉漏遲。傳山香燼夜何其。起來試揭珠簾看。月在梨花第一枝。

莫怨鑿與寵幸稀。九重天子正宵衣。雲和一曲閒清晝。乳燕簾前作對飛。

對月荅鄧汝高

共對秋山月影寒。尊前莫惜盡餘驩。不知故國秋山月。能得尊前幾度看。

春日懷王少文

去歲逢君花下飲。閒庭花落正紛紛。于今又是花時節。但見花開不見君。

訪程子暉

草閣秋深露氣寒
白龍江上暮雲殘
輕舟泛入桃源裏
兩岸芙蓉一釣竿

元夕懷李伯實

往事傷心倍可憐
故人今夜渺雲天
燈光月色鞦韆影
已隔春風二十年

送李子行太守謫茶陵

一官何事又投荒
楚峽猿聲幾斷腸
正是長沙遷謫地
不堪夜雨渡瀟湘

不爲相逢歎陸沉
總緣離別易傷心
孤臣命似

湘江水深

楚江遙望隔天涯
盛世南遷道路賒
浦月春光無限淚
清明風雨馬頭花

春雨瀟瀟春草微
片帆遙逐楚雲飛
此行若過湘江路
莫吊三閭吊二妃

寄黃白仲

家在西湖第幾峰
白雲無數水重重
鳥啼花落春光暮
同聽南屏寺裏鐘

與瀚公宿綠玉齋

幾年蹤跡各西東。一點禪燈此夕同。對坐空山天籟寂。蒲林花雨月明中。

金山別閔齡

古寺鐘殘暮靄收。人烟起處見瓜州。長江渺渺愁無盡。况上秦淮萬里舟。

芊江驛樓送張四之白下

春風吹柳萬條斜。此去金陵驛路賒。不必相思當後夜。片帆開處即天涯。

懷謝在杭司理

一片愁心兩地分。三年人隔五湖雲。從來未識茗溪路。只是思君不夢君。

僊宗寺

古寺荒涼蔓草生。青山迴合暮雲平。當年遺蹟俱塵土。惟有流泉是舊聲。

自鼓山歷鳳池尋白雲洞。不得誤抵山麓而歸口。占寄趙用拙居士。

岩巉徑路杳難分。猿鳥哀呼日半曛。莫謂洞門今咫尺。不知猶隔幾重雲。

桃花流水自潺湲○曉起尋君日暮還○不是漁郎
迷○去路斷無蹤跡在○人間

湧泉寺懷融上人

憶昔團焦住化城○蕭蕭風雨佛燈明○千今重借
雲房宿○無復當年禪誦聲

與陳惟秦鄭震卿宿老禪菴

古寺鐘殘夜已分○三人同卧一床雲○他時此地
聞鐘夜○未必連床又是君

哭王少文秀才

王郎本是大羅僊○暫謫人間二十年○一夜緇山
仍控鶴○滿天風露冷婵娟

去年春暮禁烟寒○把酒看花共倚欄○此日花開
君不見○黃墟相隔路漫漫

齟齬能詩便有聲○筆花長向夢中生○如今
埋黃土○誰繼風流竹下盟

素箋如練墨如雲○年少臨池獨有君○舊日蘭亭
今寂莫○不堪開篋見遺文

長吉當年賦玉樓○憐君猶少七春秋○傷心處處

生○悲○感○何○必○山○陽○始○淚○流○

綿○綿○幽○恨○幾○時○銷○金○屋○無○緣○貯○阿○嬌○虛○度○春○光○
二○十○載○看○花○不○及○詠○桃○夭○

猿○鳥○聲○中○晝○掩○扉○竹○陰○依○舊○故○人○非○思○君○忘○却○
幽○明○隔○猶○恠○音○書○近○日○稀○

一○別○黃○泉○路○杳○冥○愁○雲○空○鎖○草○玄○亭○即○今○風○雨○
羅○山○夜○猿○鳥○哀○呼○不○可○聽○

魂○魄○悠○悠○到○夜○臺○應○知○塵○世○不○重○來○從○今○綠○玉○
齋○前○路○一○任○春○風○長○碧○落○

記○得○孤○齋○晚○眺○時○倚○欄○連○袂○共○題○詩○山○中○每○到○
斜○陽○後○便○覺○傷○心○雙○淚○垂○

遊仙詞壽陳女大

半○生○蹤○跡○寄○烟○霞○煉○就○丹○壚○九○轉○砂○鶴○背○鸞○笙○
明○月○夜○一○聲○吹○過○碧○桃○花○

山○自○蒼○蒼○海○自○流○難○將○甲○子○記○春○秋○群○真○歲○歲○
稱○觴○日○但○見○黃○花○滿○洞○幽○

年○少○曾○窺○寶○笈○文○青○山○長○禮○紫○陽○君○洞○門○盡○日○
無○烟○火○自○掃○松○花○吸○白○雲○

安花瑤草滿松關猿鳥聲中鶴夢閒欲識武陵
溪上路白雲無數水潺潺

代鄭翰卿閨人秋日寄遠

良人何事滯京華日醉青樓不顧家獨宿空閨
今幾載又驚秋色上蘋花
梧桐葉落火西流君住長安又一秋莫向邊庭
思繫虜書生從古幾封侯

苧蘿村

越國荒村說苧蘿曾聞此地幻嬌娥浣紗遺跡
知何處滿目悠悠空綠波

七夕觀妓

玉露凋殘片月明人間天上此時情紅樓不似
銀河隔一任隣雞報曉聲

感事

莫嘆吾家似磬懸資生猶有賣文錢不知萬落
千村裏多少人家絕火煙

訪黃道晦

桑麻雞犬自成村溪口雲深絕洞門有客遲回

空日暮不知何路到花源

口占戲贈道晦

家難相尋已十秋○半居城市半林丘○此身已是空門客○只欠披緇與剃頭

送林伯溥還金陵

落魄江湖歲月更○相憐何必是平生○送君勿忽起○并州感衰柳○秋風白下情

秋夜即事

秋宵殘雨上窓○一點流螢照暮花○覓得輕羅○案竹徑已隨風葉○過隣家

贈潘郎

白哲脩眉紫綺裘○春風挾曲美遨遊○幾多紅粉羞顏色○果匿懷中不敢投

小箬溪懷邵憂齋

當年此地共揚舠○一入泉臺竟不醒○墓上白楊今老大○江頭古木自青青

送張叔弢之官昌化

一官南北總君恩○只爲風波易斷魂○吉了啼春

山路○寂○五○更○烟○雨○過○蠻○村○

五嶺○梅○開○歲○欲○殘○朱○崖○南○去○路○漫○漫○莫○言○炎○海○
無○米○雪○一○領○青○檀○六○月○寒○

官○冷○携○家○乏○俸○錢○獨○將○桃○葉○海○雲○邊○王○顏○未○慣○
蠻○天○苦○同○醉○檳○榔○碎○瘴○烟○

留別曹能始

驛○樓○相○別○不○勝○悲○握○手○殷○勤○問○後○期○何○處○壚○頭○
同○一○醉○冷○風○殘○雪○蘄○門○時○

一○別○青○山○謝○薛○蘿○故○人○今○夜○隔○關○河○客○中○無○限○
相○思○淚○纔○到○思○君○淚○更○多○

西○去○長○安○路○渺○漫○天○涯○蹤○跡○覓○來○難○我○今○到○處○
題○名○姓○待○汝○經○過○到○處○看○

夢○中○忘○却○已○分○離○只○解○歡○娛○不○解○悲○半○夜○蓬○窓○
驚○覺○後○始○知○相○別○已○多○時○

與王生對酌

共○是○飄○零○客○裏○身○壚○頭○沽○酒○莫○辭○頻○他○時○去○住○
分○南○北○歸○路○同○舟○是○別○人○

過昭慶寺

幡幢高拂六橋烟坐久無僧可問禪一寺袈裟
三百衆寺門都趨賣經錢

湖上書所見

二八妖姬淺淡妝獨採蘭漿水中央湖光勝似
華清水不染人間粉黛香

戲呈朗公

西風半夜起松陵萬里孤舟一點燈莫爲離家
腸易斷無家猶有少年僧

禦兒舟中別朗公

月下談深睡去遲滿身涼露夜何其鷄聲未斷
鐘聲起又是江頭欲別時

夜泊即事

夜靜停舟傍水湄隔舟人語許多時起來試倚
蓬窓聽盡是思鄉怨別離

松陵夜泛

一片輕帆掛月明微茫何處辨孤城已看燈火
星星近猶隔西風數里程

澣野關懷王百谷

楓橋西下夕陽斜。重到關門問酒家。記得當年
分別處。一船秋色載黃花。

楓橋夜泊夢鄧汝高進士

燕吳遙望隔天涯。竟去竟來只自知。夢裏頓忘
裘馬貴。相逢猶似布衣時。

舟中對酒懷陳子卿

橫塘烟雨不勝愁。滿目山川憶舊遊。今夜一杯
三白酒。猶疑同醉太湖舟。

夜雨

客路逢秋夢易醒。空江烟雨晚冥冥。數聲夜半
孤篷外。不似高齋竹裏聽。

懷任夫

天涯雖自嘆離群。不用題書更寄君。日日同游
有諸弟。一回書寄一回聞。

朝天宮贈沈道士

迴廊九曲隱星壇。霞珮璃衣偃月冠。唱徹步虛
詞。一闕白雲滿地磬聲寒。

桃葉渡訪張幼于

淮水東邊楊柳新，白頭猶醉曲中春。尊前試看紅妝女，誰是當年勸酒人。

青溪逢吳叔嘉投贈

廣陵雲樹秣陵烟，兩地飄零共幾年。老母七旬家十口，資生惟有賣書錢。

尋汪堯卿不遇

落葉蒼苔滿徑幽，懷人空對秣陵秋。秦淮渡口無蹤跡，一日看花十四樓。

鷺峰寺逢趙用拙

白雲洞裏杳無踪，何意青溪得再逢。無却是真逢是幻，欲將真幻問南宗。

茗川尋錢亦達不遇時叔達在閩

我客茗川君客閩，天涯同是未歸身。應知兩地相尋處，俱閉閒門不見人。

夜坐懷王生

冷衾如水室如水，未盡更籌欲盡燈。回首舊遊多感慨，雙雙騎馬戲金陵。

踈林明月照匡床，一點孤燈淚萬行。夜半瑱忘

人已別詩成猶自問玉郎

吳興感懷呈在杭

客中何事太凄然○不得歸闕未到燕○囊裏漸空
游漸倦○故人離別又殘年

咏燕

燕子嬌飛羽翼齊○呢喃時向小窓西○只因舊壘
營初定○縱有雕梁不敢棲

過錢功父懸磬室

一室依然似磬懸○傳家負郭舊無田○鷓鴣劍售
鸛裘與口○只有藏書不賣錢

再尋王太古不遇

梅花影裏訪幽樓○門掩寒塘水滿堤○兩度相尋
不相見○一帆風雨出梁溪

渡江

一葉扁舟逐浪飛○罡風吹浪上征衣○他時縱有
南歸夢○夢見濤聲不敢歸

交河道中

路入交河日半曛○北征車馬各紛紛○如何一片

黃沙地能勝青山與白雲

黃沙漠漠馬駝驢北地春光久自諳不用褰帷
縱游目斷無山色似江南

旅店感舊

壁上題名八九春重來疑是夢中身幾迴欲覓
題名處忘却誰家是主人

燕南道中懷君大熙吉熙工玉生諸子

蕭蕭羸馬向天涯一片黃塵浦面沙記得去年
春雪裏白雲庄上看梅花

咏道傍柳

一片東風一度新生來不見上林春莫言此物
無情甚送盡天涯落魄人

新城阻雨

寂莫孤村獨掩門幾家燈火近黃昏一般寒食
梨花雨此地聽來更斷魂

東阿道中

馬上青山夕照明看山應動故鄉情雖然不及
江南好猶勝平原曠野行

陽谷馬上戲作呈幼孺

萬樹垂楊送客行○春風三月未聞鶯○上林此日○
方千轉不向歸人喚一聲

過東平城北元故丞相墓

誰家翁○仲卧荒墳○聞是胡元舊○相君三百年中○
來往客○幾人下馬看碑文

汶上感舊

汶水匆匆唱渭城○春風一別數年情○知君本是○
飄零客○未必重逢在此生

同幼孺馬上見桃花

寂寂山家半掩門○却憐春色滿荒園○同行不覺○
旗亭遠看盡桃花又一村

宿界河驛夢從許靈長索書蘭亭記

折柳都門路遂分○故人回首隔烟雲○不知此別○
千餘里猶乞蘭亭學右軍

過薛君故城

高臺傾盡曲池平○此地猶傳薛故城○珠履三千○
俱寂莫行人空動雍門情

掛劍臺

公子當年然諾深○千金寶劍掛空林○應知十字
碑題後○泉路相逢無愧心○

亞父塚

亞父孤墳蔓草荒○行人何用歎興亡○漢家多少
功臣骨○若箇能歸葬故鄉○

彭城感舊

落盡天桃萬樹花○傷心重問舊琵琶○平康門巷
多相似○不記垂楊第幾家○

戲馬臺今改為昭烈廟

英雄千載說暗啞○此地曾經戲五花○只有荒臺
留不得○依然香火屬劉家○

廣陵別陸無從

客路相逢嘆二毛○片帆南下月輪高○他年一枕
揚州夢○滿樹瑤花萬頃濤○

舟抵京口作

舟過金焦日未斜○回看瓜步即天涯○故鄉雖隔
三千里○得到江南似到家○

丹陽舟中與幼孺對月時余南還幼孺將

客若川

共倚孤蓬月似霜夜深風露滿胡床應知此月
重圓夜君在他鄉我故鄉

懷平夫

客裏思君路渺茫回看往事更淒涼十年夜半
羅山雨若不銷魂也斷腸

懷惟秦

江上春風吹布袍題詩千里問蓬蒿君還記得

當年事竹下焚香讀楚騷

題落日孤舟扇面送幼孺

古木蒼蒼落照收誰人獨自汎中流燈前不敢
披圖看恐是松陵別後舟

夾浦橋感舊寄謝在杭

夾浦橋西芳草新當時此地共迷津年來買徧
松陵棹猶是江邊失路人

重集諧賞園憶歌者陳情

龍陽窈窕勝蛾眉埋玉空山是幾時重到園中

聽歌舞不成驩樂却成悲
陳郎丰度似何郎長袖蹁躑韻遶梁此日重來
君不見舞裙歌扇總淒涼

八尺湖夜泊懷李與熙張子環

八尺湖邊月上遲相逢猶記去年時一從落魄
長安後三處飄零各不知

石門晚泊即事

湖上人家帶暮烟日斜維棹小橋邊桑間試問
繅絲女此是春蚕第幾眠

寄弟

春風送客翻愁客客路逢春不當春寄語鶯聲
休便老天涯猶有未歸人

對鏡

前路虛名未可期曉來臨鏡不勝悲無情最是
雙青鬢豈待名成始有絲

舟中懷幼孺

春風並轡出都時江北江南處處隨一自松陵
分手後幾多山水不題詩

漁梁街逢陳彥宗

匹馬相逢嘆路岐
匆匆對語不多時
知君別去無他想
也是尋思遇我詩

曼亭集卷十三終

幔亭集卷之十四

閩中徐燭惟和著

友人陳薦夫幼孺選

王若相如編

七言絕句

閩中元夕曲

浦城簫鼓沸春風
爆竹聲喧鳳蠟融
二十萬家齊上彩
一時燈影照天紅

家家同結過街棚
夾路花燈列火城
來往香車

渾似晝不知身在月中行

閩山廟裏賽靈神水陸珍羞滿案陳最愛鮮紅
盤上果荔枝如錦色猶新

珠璣高噴火龍紅蒲架銀花一線通忽到半空
聞霹靂灑陵橋斷紫烟中

紫驕嘶向月明間漏盡銅龍尚未還何處鳳笙
聲嫋嫋松棚高結舞鰲山

烽烟久息海無波紫陌紅樓樂事多燈下數聲
郎子鼓兒兒童爭唱八儂歌

花箋五色製燈聯榜向街頭境社前緩步巡簷
看一過就中都說太平年

無數紅妝去復回竹林僊境起香埃低聲偷向
神前祝願早罷熊入夢來

朱門處處月光流金鼓喧天夜不休堂下妝成
獅子吼一雙爭戲綵絲毬

妖姬三五珮闌珊踏碎香塵月影寒忽聽流星
天上起其停蓮步轉頭看

彤檐高揭露妖嬌月色燈光映翠翹年少路傍

虛送目良家女伴轉三橋

風流公子正髻年腰帶千文萬曆錢浪買梨花
三百朵一時光照鼓樓前

誰家白晝少年郎蜀錦吳綾別樣妝半醉半醒
騎馬過長堤竟斷是龍陽

市上新燈巧樣張玻璃一片白於霜夜長滿注
瓶中水幾隊游魚逐火光

流蘇綃帕綵雙懸百對華燈火樹燃五帝行宮
初出境家家香火送神錢

長城燈燭夜輝煌照見豐碑字幾行此是先朝
湯沐邑年年歌舞祭閩王

前代繁華說福州滿城蘭若掛燈毬于今一盞
長明火勝事銷沉幾百秋

月影遲遲蠟炬銷殘燈同約大家饒從今處處
成遺俗飽看燈光十二宵

西湖十景竹枝詞

六橋烟棹

柳外春烟午未消烟深何處認郎橈小鬟不用

頻相問已約桃花第五橋

三竺晚霞

霞光片片映香臺花下紅妝咲靨開預卜明朝
天色好願郎遊騎得重來

九里松風

虬龍千尺翠烟凝九里濤聲浪幾層油壁青驄
堤上過同心猶記結西陵

孤山梅月

梅花十畝映湖塘歷亂幽篔處處香淡月一輪
疎影見青銅鏡裏壽陽妝

桃溪花雨

桃溪春色武陵同落盡殘英陣陣風暗出袖中
花一片問郎何似夜來紅

石屋晴雲

石屋雲開淡復濃青山微露半芙蓉一時游女
紅妝濕身在高唐第幾峰

綵鷁紅妝

湖心歌管遏春雲水底榴花六幅裙轉過蘇堤

歡不見停橈齊上岳王墳

錦塘春柳

三月尋春到錦塘青青垂柳一絲長折來戲作
同心結不是同心不贈郎

龍泓漱玉

驪珠不動小龍眠井水無波玉鏡鮮携手與郎
同一照忽驚花發並頭蓮

鷺嶺觀曦

啼罷天鷄曙色微鷺峰高處見朝暉傍人不用

行露夜與郎遊尚未歸

山居雜興

雨後空山剝啄無滿塔苔色繡毳旣開門忽訝
新痕破知是雙雙過鶴雛

呼童洗硯寫黃庭手自摩挲舊日銘漸露蒲池
鸚鵡眼猶餘殘繡上金星

桐陰如蓋午風涼沉水香銷白晝長觸手殘編
隨意看一時書卷亂堆床

幾年心與世緣疎獨有雕蟲癖未除賦就一篇

詩得意人來喜向扇頭書

爲耽禪悅久皈依飯貯山瓢施鳥饑總是道人
機事息近前飲啄不驚飛

林深無數鳥爭啼獨立花間自品題畢竟流鸞
聲第一畫樓東畔柳陰西

雲邊松影挂斜陽上下禽聲到竹床半醉半醒
開斗帳微風吹送玉蘭香

閉却重門竹影踈日長閒疊架頭書放生不守
空王戒故跡方鞋殺盡鱗魚

萬竿新竹傍簷牙八面青山一帶遶斬却當門
三四箇隔雲峯影露蓮花

一夜霜風葉滿庭黃花三徑盡飄零山房不放
秋光去猶折殘枝挿膽瓶

新裁斗帳白生綃百種奇花五色描鳳蟻低懸
通夜照有人雙度可憐宵

金爐殘火宿沉檀萬綠陰中擁合歡啼鳥一聲
秋夢覺侍兒剛進小龍團

美人蕉下立紅裙磨得玄精浦硯雲按寫江南

挑葉曲指尖香粉印羅紋

八音制曼聲歌寫出春閨幽恨多懶把九宮
翻別譜花間占得憶秦娥

碧紗窓冷晝常關丘壑移來枕簟間几上石屏
嵐翠滿分明一片點蒼山

何事柴門午未開落花依舊浦蒼苔只綠欲了
分題債暫禁山童報客來

游武夷發白龍江

荷衣草屨竹筇輕路入丹山謁上清不是離家
無別恨出門先斷世間情

五雲遙望赤松家八月同乘碧漢槎自有仙童
親接引不須沿路問胡麻

塵世蹉跎三十春欲將雲水了閒身清溪無數
船來往能去尋仙有幾人

叅駕雲中白鹿車萬年宮裏薦乾魚江頭有客
來相送不唱離歌唱步虛

陳振狂擬游武夷舟次困溪興盡而返戲

嘲

自是青山欠夙因，且將蹤跡寄紅塵。
幔亭指日重開宴，遍問曾孫少一人。
尋仙元不屬凡身，空負桃花洞裏春。
豈是漁郎多別恨，玄都只待有緣人。
咫尺仙凡路遂分，悲君猶自戀人羣。
待予九轉卅成後，未度他人首度君。
何事塵心未肯灰，尋真中路忽辭回。
思君不奏賓雲曲，只唱人間曲可哀。

過劍津

神物飛騰自有靈，至今風雨帶餘腥。
道人欲喚龍魂醒，再合雌雄鑄七星。

村中晚步

數家茅屋小溪東，衰草寒烟夕照中。
門掩千峰山犬吠，疎籬秋色豆花紅。
青山迴合抱清溪，村徑陰陰鳥自啼。
落盡疎林秋色晚，水流楓葉過橋西。

懷仙館

九曲溪流枕上聽，白雲遮斷數峰青。
金鷄叫罷

山天曉鶴在松間夢未醒

懷仙館憶女翔熙工伯孺因覓伯孺所畫

烟雨圖不得

此地曾聞控鶴來三人同禮七星臺一溪烟雨
知何處滿壁丹青翳綠苔

聽劉隱虛道人談玄

指揮如意坐雲根總是清虛世外言談到繽紛
花似雨曾無一語及傍門

贈羽士

絕壑凌空鳥道懸竹房松火亂秋烟道人小問
丹梯險林步青山二十年

竹杖遊方幾化龍知君雲水本無蹤今朝長揖
下山去他日相尋何處峰

小桃源呈吳元翰陳惟秦江仲魚

山轉溪迴一徑斜半栽桑柘半桃花何年共結
茅茨隱添得人烟三兩家

武夷十咏

王女峰

五色苔花當繡繡朝雲暮雨鎖模餉清溪照出
蛾眉影錯認湖中大小姑

架壑船

壑裏藏舟經幾春溪頭何用嘆迷津世人自愛
風波險豈是神仙不渡人

僊掌峰

頂門開處即玄關白日青天去不還多少幻形
俱脫化獨留僊掌在人間

換骨巖

可憐人世似蜉蝣誰識真還借假脩不學換心
木換骨青山依舊堊枯體

大王峯

危峰蒼翠插雲中爐裏丹砂色尚紅此地大王
曾羽化至今猶自起雄風

徐仙巖

碧嶂千尋骨一函當年曾此脫塵凡重來忽記
前身果咲指飛昇舊日巖

金雞洞

紅麈容易使人迷流水無情日又西大夢紛紛
誰自覺空勞仙洞報金雞

幔亭峰

一曲賓雲酒一卮共乘鸞鶴醉歸遲至今五色
霞千片猶似當年結彩時

投龍洞

空有輝煌玉簡書莫疑雲氣不重嚙神龍本是
飛騰物肯向千年洞裏居

虹橋板

一從仙樂散丹霄千載長虹亘未消待得丹成
生羽翼手攀日月過虹橋

游僊曲

萬里遙天片月明玉皇開宴會蓬瀛瓊漿飲盡
歸玄府鶴背瑤笙四五聲

形容如鶴蛻如蟬一夕凌虛去杳然隔斷紅塵
三萬里閨風吹上大羅天

葉珠宮殿玉宸君身上霞衣五色文不用駖鸞
過碧海鳳簫聲裏駕紅雲

雲裏騎龍訪列仙羽衣霞佩去翩躚不知一枕
邯鄲夢遊徧神州幾洞天

踏碎烟霞謁帝鄉空中鸞鶴自迴翔腰間帶有
降魔劍一道精光燭混茫

偶別玄都玉笥班却藏名姓到人間須臾跳入
壺中去白日青天何處還

桃花澗訪呂山人

長日青山歌采芝人間甲子不曾知却嫌佳近
桃花澗花落花開見歲時

紫陽書院

水自茫茫山自青荒祠千載寄精靈道人已作
黃冠客不着儒衣拜考亭

玄都觀尋道士不遇

洞門寂寂鎖烟霞此是玄都道士家鷄犬無聲
丹竈冷深溪流出碧桃花

別虛道人

與師分別亦關情不記形容記姓名聞說還童
有真訣白頭人又是前生

懷鄭君大

幾人白首困塵氛垂老看山獨有君莫道年高
筋力少芒鞋曾踏一梯雲

同元翰惟秦雨宿舟中懷惟起弟

細雨扁舟泊近村三人同卧亦銷魂誰憐此夜
孤身客山店殘燈獨掩門

西蜀竹枝詞

杜鵑啼上海棠枝赤甲山前月落遲斗帳夜寒
春夢醒笛聲吹過竹郎祠

春暮感懷

春光將老杏花殘猶自驚心帶淚看記得去年
今日裏布衣羸馬出長安

清明有感

人間春色太無情不管音容隔死生滿地梨花
墳上雨一番零落又清明

郊行

日暮空林野鳥歌新墳古塚滿山阿不知白骨
埋多少依舊青山四面多

爲屠田叔題王玉生山水冊

青山如黛草萋萋古寺殘鐘隔遠溪
客散長亭天色晚兩行烟柳灞橋西

蒼茫綠野接江天漁父中流獨扣舷
何處月明堪繫纜樹陰西畔小橋邊

二客來尋草閣幽况逢隣舍酒新筩
主人日暮歸來晚帶有青蛭在杖頭

閒來約客訪烟霞行到橋邊日已斜
尚隔寺門三五里且將瓢笠宿山家

山中日暮起西風隔嶺霞生石壁紅
對坐共憐秋色好數株松影半林楓

峻嶒孤塔影中流萬頃江天一色秋
恍似金山高處望片帆無數出瓜州

蘭槳搖搖下急灘滿天風雪正漫漫
莫嫌野店村醪薄消盡深溪一夜寒

千尋瀑布響空林數尺危橋出樹陰
欲向溪南訪真隱飛花滿路白雲深

枕上偶成

山館雲寒枕簟清，隔窗殘月不分明。
黃鸝未醒人先醒，卧聽枝頭第一聲。

九仙觀晚步

獨携雙屐訪烟霞，畫閣朱闌夕照斜。
清磬一聲山院寂，流鶯啼過木棉花。

夏日瀚上人過訪

綠陰深處響新蟬，移得蒲團柳影邊。
數局碁殘天未暮，更燒山茗結清緣。

聽錢叔達彈琴時叔達將歸吳興

竹院微風動晚涼，冰絃花裏按宮商。
憑君莫作思歸引，一曲哀聲易斷腸。

山園雜興

信步荒園日幾迴，秋風吹老壁間苔。
澆花正恠兒童懶，忽見松陰片雨來。

雨夜讀伯孺詩草

空齋寒夜雨聲聲，細讀君詩欲四更。
十載悲歡燈影裏，同遊風景最關情。

秋日山行

行盡空山日未斜
隔林烟火見人家
澗邊小犢眠衰草
風動蒲園蕎麥花

感舊

秋光依舊滿房櫺
鏡裏鉛華漸不同
去歲今宵卿憶否
錦衾香暖燭搖紅

哭林逸人

水明樓上看明月
共對冰盤品荔枝
今日譜成君不見
年年腸斷荔枝時

昔年遺我青精飯
藥氣浮空滿筋雲
風雨空山寒食節
一盂何日薦孤墳

記得方山昔日游
逢君瀨水苦相留
從今若過方山路
不忍重維瀨水舟

憐君易箚垂亡日
值我囊書遠別秋
欲哭靈幃山水隔
空將雙淚寄人流

將赴京作

北望幽燕欲斷魂
留連未忍別家園
直須三徑秋光老
開盡黃花始出門

題諸友送行卷後

七年三上春官日各賦詩篇送我行今日鱖魚
生蒲紙主人依舊一儒生

興田驛讀鄧汝高題壁詩

故人半載天涯隔得見題名勝夢思今日經過
驛亭裏再吟味壁間詩

路經武夷以公車期逼不得重遊溪口別

壽卿和叔二道友

當日僂槎九曲乘奇峰五百次攀登此行苦爲
虛名累一宿煙霞也不能

何事人間最可哀朔風零雨向燕臺白雲隔斷
清溪口不許紅塵客再來

張去華席上聽妓

燕姬二八欲傾城學得江南子夜聲莫遣歌喉
頻宛轉留將今夕喚卿卿

落第後戲作

楊柳如絲草似茵輕羅小袖白綸巾紫騮嘶入
平康路始殺春風得意人

南旺湖泛月

蘭舟乘月下黃河一片清光漾碧波宛似江南
湖上景分明惟欠采蓮歌

別梁主

何物臨歧繫所思佳人偷指綠烟絲重來試看
門前樹留得青青有幾枝

彭城夜泊書事

十年此地幾經過數點漁燈起棹歌今夜滿天
喧鼓角隔江帆影戰船多

舟中望雲龍山有懷陳幼孺

雲龍山下汎歸舟對景空懷昔日游聚散無期
俱是夢黃河依舊向東流

逢東征歸卒

東望遼陽殺氣寒王師十萬半凋殘但能留得
生還骨莫問金瘡血未乾

脫却東征舊戰袍夢中猶記醉蒲萄從今愁說
沙場事路上逢人賣寶刀

同謝于楚袁小脩汪肇邵詹淑正李季宣
陳從訓集謝在杭席上贈伎

相逢流落總天涯暫借青尊醉狹邪坐有逐臣
心正苦月中休用泣琵琶

楊子橋別馬季聲

秋風搖落滿征帆楊子橋邊酒半酣一棹蕪城
君獨往月明今夜我江南

金昌別李二

天涯搖落正深秋一別親知雙淚流不但思家
心獨苦斷腸今日是蘇州

舟夜即事

金昌亭下解蘭橈一水吳江去漸遙秋夢難
潭不醒月明齊上度僧橋
枕前雙淚落天涯半是思君半憶家起坐不知
風露冷一汀斜月照蘆花

吊關盼盼

十年三度過彭城燕子樓空月自明欲吊香魂
尋舊塚斷碑無主不知名

吳門戲寄陳伯孺

一望蘋花十頃秋闔閭城下久停舟除將訪道

尋信外半爲真娘住虎丘

無題和徐茂吳司理

繡閣重重鎖翠蛾。春風簾幙度微波。紅牙一拍芳心辭。腸斷江南子夜歌。

年少誰家傅粉郎。舞裙歌扇斷人腸。當筵一道微風起。吹出羅衣賈女香。

獨離幽閣影隨身。紅拂楊家是麗人。自有遶梁聲宛轉。不愁羅襪步生塵。

屏開金鎖出重門。學得文君半夜奔。但愛風流人似玉。不知年少是梨園。

含羞含態步遲遲。南北峯頭月落時。此處留儂儂已住。從今莫唱惱儂詞。

金縷歌成恨幾重。看君樂府演臨卾。場中多少憐香意。今夜歡娛盡屬儂。

響遏行雲是此聲。况看人似玉壺清。蛾眉不惜從君死。只爲當時一笑情。

生前憔悴死含冤。半臂猶看帶血痕。我亦多情病司馬。不知何處吊香魂。

葛陽道中

插棘編籬小徑斜
數聲雞犬出山家
寒帷最愛秋光好
一路墻陰木槿花

青樓曲

沉香亭畔敞雲屏
一樹垂楊拂地青
暫繫紫騮歡莫去
盤中新有五侯鯖

帝城三月雪全消
新柳如絲綠
舞我何處女郎
齊度曲
桃花春水赤欄橋

金屋誰家深
管絃博山沉
水尚留烟
夜深月到

流蘇帳照見鴛鴦作對眠

燕子樓中
午漏遲
荼蘼花影上
簾時
含嬌自起
開妝閣
學取西山畫黛眉

甄別田叔歸過
函關公署
悵然有懷

關外車聲不可聞
溪邊公署閉
寒雲從今來往
困溪路定憶風流
屠使君

高閣三層傍水開
詩人多在此
銜杯從今磴道
空危絕若箇詩人
得上來

題江仲魚小像

五色靈芝五粒松往來長躡白雲蹤畫師未許
君丘壑不寫清溪一片峯

題遇上人小影

清溪流水漾松花獨倚孤松不結跏安得添余
丘壑相林中同吃趙州茶

題羅太學青雨軒

小小軒窓匝密林山鳩啼晝亂雲深飛來雨氣
青如染半帶松陰半竹陰

題伯孺兄弟臨池小隱

幽居疑是子雲亭水繞柴門晝不扃獨臥西堂
清夢遠春風池上草青青

題美人孤鳳

樓上簫聲久不吹梧桐花下立多時此身豈少
雙飛翼不到成雙不肯騎

題美人對局

綠雲妝罷下朱樓閒向春風結伴遊携得楸枰
連袂去花間同賭玉搔頭

題宋畫宮扇

樓船航海事飄零無數蛾眉恨血腥團扇獨留
宮樹影六陵何處覓丹青

鑿輿東下指臨安北望中原路渺漫駕得殘山
荆棘水只留團扇與人看

團扇當年巧樣裁宣和殿上幾徘徊丹青絹素
俱零落獨有蛾眉怨未灰

題滕王閣圖

高閣峻嶒章水邊曾從南浦繫歸船披圖忽訝
身如鸞回首春風二十年

題畫鴝鵒

不向枝頭說是非性靈雖巧已忘機夢魂只傍
垂楊宿未可輕從濟水飛

題畫翡翠

長喙如朱翠羽齊寒蘆聊借一枝栖越裳久已
無人貢好向林中自在啼

題興公扇面小景寄懷惟秦

萬仞高峰列翠屏寒雲流白樹流青恍疑九曲
同游日對坐溪邊鐵遂亭

題薛素畫蘭

朱鳥窓前翠黛殘
閒將幽恨寄齊紈
薛家閨秀稱雙絕
洪度花箋素素蘭
空說湘江九畹春
殘枝憔悴不堪紉
深林豈是幽香少
半採天涯寄遠人

題薛姑畫芭蕉

名冠青樓有幾春
琉璃硯匣自隨身
相思不寄崔徽筆
但寫紅蕉當美人

題陳伯孺墨梅

庾嶺曾看雪萬枝
生緝今見墨淋漓
江南多少思郵客
莫向天涯笛裏吹

題興公畫山水

古木蕭蕭蔭溪曲
蒲山蒼翠飛林麓
扶筇行過小橋西
隱隱書聲出茅屋
山色蒼茫烟水深
小舟撐出綠溪陰
一竿獨釣中流影
誰識悠悠隱者心

題顧世卿畫緋梅

一枝玉質襯紅妝
月裏妖嬈雪裏香
莫向天台

山下種恐將春色誤劉郎

題雪簾畫蘭

齊紈開處便氤氳移得天香澧水濱自有佳人
留楚佩不須重說馬湘君

題劉道子畫果

五指低垂綴一柯名園佳果似兜羅生來自有
黃金相欲向阿難頂上摩

右佛手柑

嶺南荔子似閩中寫出纍纍錦一叢記得高涼
當日事兩株斜映小窓紅

右荔枝

題葛玄方朱竹

丹鉛隨意寫生綃幻出空林絳玉簫五月十三
曾一醉至今紅暈不能消

題伯孺桃源圖

落盡桃花閉洞門重來無處覓仙源于今又隔
千餘歲知是秦人幾代孫

題幼孺所藏薛濤小像

濯錦江邊一麗人千秋傳得鏡中身自慚不及
高千里未識花容真未真

半幅丹青異代情誰人題作校書名寫生不用
桃花紙兩頰芙蓉暈自生

題櫻桃黃鳥

櫻桃顆顆爛如霞曾獻炎方產內家寄語金衣
舊公子不須啣出上陽花

題公洛所藏伯孺畫小景

滿目溪山筆下成山邊山外有溪聲憑君欲領
溪山趣但向綠榕橋上行

題畫杏花

一枝春色露名園幻出花神半醉魂猶記白門
橋下路紫騮嘶過酒家村

題杏花戲贈幼孺

半幅臙脂濕未乾誰將春色寄毫端山窓無事
閒相對猶勝慈恩寺裏看

題伯孺山水

訪寺尋僧亦是忙賞春猶覺少壺觴總緣家近
溪橋上來往不知山路長

伯孺作溪樓聽雨圖見貽詩以酬之

獨掩柴門客到稀
臨池生紙墨花飛
主人莫道無相贈
風雨溪山盡帶歸

題畫士女

琴操

二十年來舊管弦
幾家車馬鬧門前
誰知萬劫青樓恨
盡在西湖一語禪

樂昌公主

菱花初剖鏡分鸞
十載長持半面看
約得幽期正月望
人間天上共團圓

文君

豈爲新綠勝舊綠
却因詞賦暗相憐
世人不解心中事
只說蛾眉愛七絃

盼盼

劍履塵埋已十春
教成歌舞不隨身
泉臺得早重相見
深感多情白舍人

秦弱蘭

莫笑郵亭一夜春
此身元已落風塵
韓家亦有如花女
枕畔衣裳着向人

聶勝瓊

解將紉素卸花鈿誰識新懽是舊緣從此相思
千點淚不須和雨到窓前

楚娘

入宮元不愛蛾眉來是歡娛去是悲不有新詞
消盡妬此身依舊路傍枝

曹妙清

比玉芳名號雪齋更無春色入幽懷橫琴獨坐
香閨晚欲把新詩和鐵崖

題雙文小像

鸞箋半幅為傳神畫裏相逢夢裏親安得人間
綵灰酒鶯鶯夜夜似真真

題畫芍藥送張叔麟

相送愁吟芍藥詩丹青聊贈插瓶枝披圖不盡
銷魂意何必垂楊綰別離

舊歲與伯孺諸子泛舟白沙分賦野航恰
受兩三人之句余已賦排律一章茲伯
孺復出王生所作扇頭前景因重賦絕

句題其上巳亥二月三日

去歲仲冬齊汎艇戲將聯句效城南眼前風景
猶如昨又過春光二月三

題雜畫

綠樹千重水一灣白雲飛去鳥飛還莫疑此地
無人住若箇山人肯住山

同推蘭葉月如霜江水江烟共渺茫蒲樹松花
風落盡前船香似後船香

獨撫孤琴意自閒滄浪一曲水雲間磯頭向晚
不歸去爲愛前溪雨後山

群峰雪後玉嶙峋無數梅花滿路春竹杖芒鞋
過橋去山中高卧更何人

相逢同息樹邊身總是桃源洞裏人月照疎林
天漸晚曾無一語到紅塵

已分爲漁老此身歸來月下捲絲綸此中自是
堪逃世却咲嚴陵釣富春

半溪流水一孤桐對坐山中俗慮空所惜知音
今漸遠不堪極目送歸鴻

題郭熙畫冊

行盡空林到水窮
隔江雲樹遠溟濛
柳陰坐待斜陽渡
剩看殘山一抹紅

題呂紀雙雞雛

五德初生彩質奇
花冠金距是何時
他年定起劉琨舞
莫謂雌雄未可知

水明樓聽雨荅二孺

莫恠溪樓冒雨來
萍蹤無定老相催
縱令歲歲來相訪
百歲曾無六十回

五月十三日從羅山堂分得黃金間碧玉

竹栽植小園戲作

栽竹須乘醉日栽
移將奇種出香臺
貧家莫道無珍玩
多少黃金碧玉來

種蠟梅

五出寒香淡淡黃
羅浮僊子幻新妝
開時記取休輕折
畱與蜂兒補蜜房

山齋獨坐懷惟秦客粵

清客相過更有誰
閒心惟許白雲知
山房多少

思君意半在焚香煮茗時

香閨七吊詩

余觀古今閨秀或有流落風塵匹耦非類或有委身文士終爽宿盟者每親彤管輒興哀無情之地爰賦短章招其魂氣名曰香閨七吊用附冥感之誼

蘇小小

油壁青驄久寂寥西陵松柏雨瀟瀟
夢中解唱黃金縷脉脉春情總未消

薛濤

雲箋彷彿見羅裙縹緲歌聲去不聞
下樹桃花零落盡不知何處吊孤墳

霍小玉

誰將薄倖負娉婷怨魄啼魂喚不醒
我有多情雙眼淚一回開卷一回零

崔鶯鶯

淚光如瑩臂銷紅一夕幽期月影中
千載重關蕭寺靜更無環珮響輕風

非煙

一片春情暗寄郎碧苔箋與錦香囊此身拚爲
情郎死不向秋風怨北邙

李易安

銷殘金石怨雙蛾紅粉由來薄命多一縷香魂
飛不散月明時聽曼曼聲歌

朱淑真

朱粉慵調倦理妝知音難遇有情郎可憐一片
西湖月只向深閨照斷腸

已亥夏秋客居王田旅次寡歡情鍾
豔骨孤燈冥想今夕何年同病相憐
惟我幼孺錄而寄之庶其和余

慢亭集卷之十四終

慢亭集卷之十五

閩中徐 燾惟和著

友人陳薦夫幼孺選

王 若相如編

詩餘

閨情 賣花聲

遠信阻青禽幽怨難禁寒更孤枕半邊衾鐵馬
聲殘金鴨冷月在花陰 雙靨淚痕深濕透羅
襟當初誰信有于今衣帶漸寬腰漸減空結同

心

秋思 南柯子

柳葉含愁黛
菱花照淚妝
些兒閒事惱人腸
不堪燈前重憶解羅襦
鐵馬嘶風緊
銅龍咽漏
長夢魂隨月到伊傍
無奈醒來依舊惡思量

春思 點絳脣

金谷香飄綠楊枝
嘒鶯聲巧
殘紅輕掃
滿徑胭脂透
蜂蝶無情苦
被東風惱
春歸早
佳期漸杳
香鏡裏鉛華老

感舊 傳言玉女

淚眼朦朧滴損桃花
雙頰起
傍朱闌
聽東風啼
鴉舊歡如夢隔
斷雲山千疊
恨柳嗔花怨
蜂愁蝶
沉水香
斟倚薰籠
腸萬結
綠波春草記去
年離別
那恁春歸
又見梨梢飛雪
褪盡鉛華鏡
中妝靨

春怨 賣花聲

春雨夜瀟瀟
目斷藍橋夢
中猶憶翠雲翹
覺後淚痕空
自濕無限
竟銷瘦
損沈郎腰
虛度良

宵何時金屋貯妖嬈燈下凝眸羞不語同解羅
綃

春情 蘇軾遮

篆烟微燈燄小羅帳香酣一夜春多少鐘漏沉
沉人情悄悄含醉含醒夢只一山繞枕雲濃梁
月皎笑語叮嚀此意休忘了無那隣雞聲太早
顧影倉皇莫待紗窓曉

別意 柳梢青

鶯語聲吞鐵眉黛感總是銷魂銀燭光沉

夜永月滿離尊 羅衣空濕啼痕腸斷處秋風

暮依潞水寒冰燕山殘雪誰與溫存

旅况 卜筮子

深閨白露寒古驛丹楓暮鴈叫蘆花四五聲衰
草天涯路 不見相思人空見相思樹剩水殘
山無限程立馬斜陽渡

閨情 阮郎歸

愁雲殘雪浦燕關深閨頓倚欄鏡中誰與畫春
山啼痕損玉顏 憎畫刪怨雕鞍郎行何日還

湘江千古淚潺潺誰留竹上斑

閨怨 阮郎歸

琴調別鶴鏡分鸞孤燈清夜闌龍鍾雙袖不曾
乾無人空暗彈 紅袖褪翠眉殘肌消玉釧寬
燕山莫道客衣單閨中寒更寒

春怨 如夢令

一夜風狂雨妬孤枕寒燈難度杜宇太無情苦
喚東君歸去春暮春暮春暮飛絮落花無數

閨思 憶秦娥

遊人別幾回夢斷花間月花間月關山兩地一
般圓缺 青樓鳳盡音書絕可憐空帶同心結
燈前偷看寸心都折

青樓曲 少年遊

綠雲梳罷碧紗窓裏方自按箏篴青衣報道才
郎到也忙步上妝樓 酒沾醺酥杯傳鸚鵡花
下迺相酬檀板輕敲清歌未闋月上簾鉤

寄遠 訴衷情近

孤燈細雨枕畔淚痕無數幽期難託琴心愁緒

怕傳尺素暗想香肌艷質放誕風流腸斷朱絃
暮 天台路遙在桃花深處芳閨冷落只恐青
春誤憑誰訴而今佳會蹉跎後日相逢無據早
遂藍橋遇

荔枝 浪淘沙

夏日山居荔枝正熟偶憶歐陽永叔浪淘沙
詞風韻佳絕遂按調效顰歌以佐酒本欲爲
十八娘傳神反不堪六一公作僕矣

荔枝蒸霞朱實清華一丸寒玉裹紅紗萬顆

纍纍滿樹海上不數三巴

西域枉乘僂馬乳休

誇剖開瓊液碎丹砂異品卽今誰第一猶說江
家

丹實滿林穠耀日紅酣由來佳品壓江南漢苑
楊梅應避色盧橘香慙 沁齒有餘甘玉液中
涵釵頭一朶美人簪記得樂天曾有句映我緋
衫

樹樹火連空綠葉芄芄朱顏妖麗玉肌豐傳說
鄚瑯王少女十八娘紅 分摘滿筠籠錦繡成

叢半林香氣度微風却笑杜陵詩句好只憶瀟
戎

驛騎走紅塵一笑華清炎方何用獻朱櫻天寶
梨園新度曲小部音聲 鼙鼓動西京妃子心
驚梨花魂斷不勝情翠袖紅繒俱是夢水綠山
青

十里錦雲鄉傳粉疑妝紅裙爭看綠衣郎黑
精頭朱柿小玳瑁丁香 延壽品非常尤勝噴
江繡鞋一種記閩娘風送瑞堂香百步結綠旒

黃

一品狀元紅金線金鍾麝囊吹散桂林風黃玉
紫瓊真勝畫江綠叢叢 雙髻翠雲鬆蘭壽香
濃綠珠魂在玉堂東五嶺三巴無此種獨擅閩
中

白玉瑩肌膚輕襯羅襦鳳凰岡上錦千株任是
崇龜工墨妙香味難圖 百果更誰如羞殺楊
盧品題猶說蔡君謨蠲渴延年還補髓一確醅

胡

庭靜午風涼
荔子盈盆
片小姬纖手
解羅裳
玉腕冰肌相掩映
百步聞香
含笑問檀郎
何似儂妝
紅顏薄命
總堪傷
因憶驪山宮
日事閒說明皇

玉照堂

玉照堂

玉照堂



